

Inatsisartut suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqqutit:

1. Naalackersuisut qaqugu IBA-mut (Impact Benefit Agreement) isumaqatigiinniarnert aallartinnissaat naatsorsuutigaat?
2. Ittoqqortoormiuni innuttaasut aammalu Kalaallit Nunaanni inuiaqatigiit allat IBA pillugu isumaqatigiinniarnerni qanoq peqataatinneqassappat?
3. Naalackersuisut isumaqarpat Ittoqqortoormiuni innuttaasut piumasaqaataat, soorlu atuarfik, napparsimmavik, talittarfik, imeq kuuginnartoq, utoqqaat atugarisaat aammalu pisariaqartitat allat IBA-mi ilanngunneqartariaqartut?
 - a. Naalackersuisut nalilerpaat ineriartortitsinissamut pisariaqartitat taamaattut pisortat akisussaaffiattut imaluunniit suliffeqarfiup aningaasaleeqataaffigisassaatur isigineqassanersut?
4. IBA isumaqatigiissut tamanut saqqummiunneqarumaarpa?
5. Naalackersuisut qanoq qulakkiissavaat Kalaallit Nunaat tamakkerlugu iluaqutissat IBA-mi ilanngunneqarnissaat?
6. Sooq Greenland Energy Companyip innuttaasunik ataatsimiisitsinera Naalackersuisunit sioqqullugu ingerlanneqarpa?
 - a. Naalackersuisut ataatsimiisitsinissaq sioqqullugu ilisimavaat, imaluunniit kingorna aatsaat paasivaat?
7. Naalackersuisut imaluunniit Naalackersuisoqarfik innuttaasunik suliffeqarfiup ataatsimiisitsinerani peqataasimappat? Peqataasimangippata, sooq peqataangillat?
8. Naalackersuisut nalilerpaat Greenland Energy Companyip innuttaasunik ataatsimiisitsinerani paasissutissiineq aammalu innuttaasut peqataatinneqarnerat naammaginartumik, ammasumik aammalu innuttaasut pisariaqartitaannik naammassinnittumik ingerlanneqarsimasoq?

9. Naalakkersuisut qanoq qulakkiissavaat Ittoqqortoormiini innuttaasut aammalu Kalaallit Nunaanni innuttaasut paasissutissanik kalaallisut, tunumiusut aammalu paasiuminartumik pissarsisarnissaat, kiisalu paasissutissat tunngavigalugit naammattumik isummersorlutillu tusarniaanerini peqataasinnaanissaat?
10. Naalakkersuisut namminneq qaqugu Ittoqqortoormiuni innuttaasunik ataatsimiisitsissappat, suliffeqarfik kisiat pinnagu oqartussaasut peqataaffigisaannik?
 - a. Naalakkersuisut pilersaaruteqarpat Jameson Landimi suliniut pillugu Ittoqqortoormiit kisiisa pinnagit Kalaallit Nunaat tamakkerlugu innuttaasunik tusarniaasoqarnissaanik?
11. Naalakkersuisut Greenland Energy Company-mik kingullermik qanga ataatsimeeqateqarpat?
12. Suliffeqarfiup Naalakkersuisut ilisimatissimavai qaqugu qillerinissaq pilersaarutigineqarnerisq?
13. Naalakkersuisut qanoq nalilerpaat Jameson Landimi suliniut Kalaallit Nunaata oqartussaaqataaneranut imaluunniit nunanit allanit politikikkut aningaasaqarnikkullu sunniiniarnermut tunngatillugu immikkut aarlerinartorsiortitsisinnaanersq?
14. Naalakkersuisut qanoq nalilerpaat VVM, VSB aammalu akuersissutit allat suli naammassineqanngitsut eqqarsaatigalugit Greenland Energy Company-p qillerinissamut piffissaliussai piviusorsiortuunersut? Taamaappat, naliliinermut tunngaviusut suut piuppat?
15. Naalakkersuisut qanoq nalilerpaat Jameson Landimi suliniutip umimmannut, piniarnermut, aalisarnermut, nerisatigut imminut pilersornermut aammalu najukkami inuussutissarsiutinut qanoq aarlerinartorsiortitsisinnaanera pillugu, aammalu immikkut misissuisoqarnissaa pilersaarutaava?
16. Naalakkersuisut naatsorsugaqarpat Kalaallit Nunaat qanoq annertutigisumik isertitaqarsinnaanersq?

- 17. Naalakkersuisut piumasaaqatiginiarpaat kalaallit suliffeqarfiisa aammalu kalaallit sulisui isumaqatigiissutini, sullissinerni aammalu suliffissani salliutinneqarnissaat? Taamaappat, tamanna qanoq qulakkeerneqassava?**
- 18. Naalakkersuisut isumaqarpat Ittoqqortoormiuni innuttaasut suliniummik akuersissuteqanngippata imaluunniit akerlerippassuk, Greenland Energy Companyip suliniutaa ingerlaqqissinnaassasoq?**
- 19. Naalakkersuisut suliffeqarfiup piginnittuisa, aningaasaliisartuisa aammalu aalajangiisuisa kinaassusii pillugit paasissutissat tamanut saqqummiunniarpaat?**
- 20. Naalakkersuisut ilisimavaat Greenland Energy Companyip amerikamiut politikikkut imaluunniit aningaasaqarnikkut soqutigisaannik qanoq attuumassuteqarnera?**
- 21. Naalakkersuisut qanoq nalilerpaat suliniut pillugu paasissutissat suliffeqarfimmit, tusagassiorfinnit, nunani allanit tusagassiorfinnit aammalu oqartussanit saqqummiunneqartut imminnut naapertuunnersut?**
- 22. Naalakkersuisut suliamut atatillugu Kommuneqarfik Sermersooq qanoq suleqatigaat, aammalu kommunip akisussaaffii pineqartumut suuppat?**
- 23. Naalakkersuisut piumasaaqatiginiarpaat Greenland Energy Companyip innuttaasunik ataatsimiisitsinerni aammalu tamanut saqqummiussinerni oqaatigineqartut pillugit uppernarsaatit aammalu akineqanngitsut pillugit allakkatigut akissuteqaatit tamanut saqqummiutissagai? Taamaappat, tamanna qanoq qulakkeerneqassava?**

(Inatsisartunut ilaasortaq Mette Arge-Hammeken, Naleraq)

Tunggavilersuut:

Jameson Landimi uuliasiornissamut pilersaarutit pillugit innuttaasut nunatsinni aammalu nunat allaniit soqutiginninnerat annertusiartorpoq. Pingaartumik Ittoqqortoormiini innuttaasut, najukkami ataatsimiititaliaq aammalu tusagassiorfiit aqqutigalugit apeqqutit amerlasuut saqqummiunneqarsimalereerput.

Tusagassiorfitsigut paasissutissat naapertorlugit Greenland Energy Company innuttaasunik ataatsimiisitsisimavoq, najukkamilu innuttaasut ilaatigut

paasissutissinneqanngippallaarnerarlutik aammalu peqataatinneqannginnerarlutik oqaatigalugu. Tamatuma saniatigut IBA-mik (Impact Benefit Agreement) isumaqatigiissuteqarnissamut tunngasunik, najukkami inuiaqatigiinnut iluaqutissanik, suliffissanik, avatangiisinut sunniutissanik aammalu Naalackersuisut suliffeqarfiullu akornanni suleqatigiinneq pillugu apeqqutit arlallit saqqummiunneqarsimapput.

Naalackersuisut siusinnerusukkut oqaatigaat VVM (Avatangiisinut Sunniutissanik Nalilersuineq), VSB (Inuiaqatigiinnut Sunniutissanik Nalilersuineq) aammalu IBA suli naammassineqanngitsut. Taamaattoq suliniut pillugu paasissutissat assigiinngitsut inuiaqatigiinni saqqummiunneqartut akornanni assigiinngissuteqartutut isikkoqarput.

Taamaattumik pingaaruteqarpoq Inatsisartut aammalu innuttaasut Naalackersuisunit paasissutissinneqarnissaat, taamaalilluni suliniutip killiffia, inuiaqatigiinnut kingunerisinnaasai aammalu Kalaallit Nunaata soqutigisai pillugit ersarinnerusumik paasisaqarsinnaaqqullugit.

Apeqqutit matuma kingorna saqqummiunneqartut siunertaraat Naalackersuisut naliliinerat, pilersaarutaat aammalu paasissutissat pigineqartut erseqqinnerusumik paasinissaat.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.